

(Ծննդոց, Լե. 16): Հոն հասնելով Ռաքէլ Բենիամինը ծնաւ և մեռաւ տղաբերքէն: «Մեռաւ Ռաքէլ և թաղեցաւ ի ճանապարհին Եփրաթայ, այն իսկ է Բեթղեհէմ. և կանգնեաց Յակոբ արձան ի վերայ շիրմին նորա. այն է արձան շիրմի Ռաքէլայ մինչև ցայսօր ժամանակի» (Ծննդոց, Լե. 19-20):

Յովսեպոս կ'ըսէ թէ Ռաքէլ թաղուեցաւ «Եփրաթայի մօտ»: Թալմուտները համաձայն են դնելու թէ անոր գերեզմանը Բեթղեհէմի մօտ էր: Որոգինէս, Եւսեբիոս և Յերոնիմոս կը յիշեն թէ Ռաքէլի գերեզմանը Բեթղեհէմի շրջակայից մէջ է: Պորտոյի ուխտաւորը (333) կը նշանակէ թէ գերեզմանին վրայ կառուցուած «յիշատակարանը» Երուսաղէմէն հօրս մղոն հեռու է, և երկու մղոն՝ Բեթղեհէմէն: Արգուլֆ (670) մեզ կը տեղեկացնէ թէ բուրգի ձև ունի ան: Յետոյ Թէոտորիք, Բենիամին տը Թոնտէլա և Իտիրիսի՝ արաբ աշխարհագիրը, երեքն ալ ԺԿ. դարուն, կ'աւելցնեն թէ բուրգը կազմուած էր տասներկու քարերէ որ կը ներկայացնէին Յակոբի աասներկու որդիները կամ Իսրայէլի տասներկու ցեղերը: Խաչակիրները, ըստ միեւնոյն ճանապարհորդներուն՝ այս յիշատակարանին վրայ կանգնեցին քառակուսի շէնք մը եօթը մէթր կողմնակի որմակամարներով իրարու հետ կապուած չորս սիւններով, երեք մէթր բացուածքով, եւ վեց մէթր բարձրութեամբ և ամբողջին վրայ կայ կամար մը: ԺԵ-ԺԶ դար տասներկու քարերը անհետացան և դամբարանը քանի մը անգամ նորոգուած է: 1560 ին Երուսաղէմի կառավարիչը չորս կամարները քարով գոցել տուած է և շէնքին տուած է իսլամա-